

Коллективчинрик

Күч-көлсчирин коллективс, олна хургуд, арк уугъад, келх эс келх үт келад, бийиннь баатхә, нам бүкл коллективин нер бузрхад йовдг, олна диг-дара эвдг улсла ноолда кехд сән нилчән күргдж, тиим улсиг хаджгъ-ринь заадж, чиклдж сургъдж авхд сән дөнъ-нөкд болдг болв. Улгүрлхд, одахн, Элст балгъсна Сталинә пер-тә колхозин олна хуртт колхозник Пономарев Алексейин гаргъсн хадж-гър йовдлг олн колхозникүд шү-үдж шалгъв.

Энүнә гаргъсн тем им колхозин конторт соктугъар ордж ирад, хур-гт баасн амтиг амндан орсарн му ке-

лад, аздлад баав. Заргъд өггдсн бол-хла, Пономарев Алексей ядхдан 15 хонгт суух баасмн. Болв, колхозин коллектив, энүг бийиннь даалгъврт авч сургъх болдж балгъсна мили-цәс сурдж авб.

Колхозин хурт деер кесг колхоз-никүд, тер дотр А. Пономаревин үүрмүд, энүнә гаргъсн азд йовдлг шалгъдж келцхав. Энүнә өрк-бүлин баадл болн урднъ заргъла, эс харгъ-сиг тоолад, үр Пономаревиг колхоз олна даалгъврт авб.

Ода Алексей Пономарев бийән чикәр бәрдж йовх деерән, сәәнәр, шунмгъа кевәр көдлджәнә. Энүг ко-

ллектив, бийиннь даалгъврт авад ик чинртә керг күцәв.

Олна дара эвдәд, заргъла харгъх баасн көдлмшчир Худжуртаев Алек-сей, Бурунганов Максим хойр көдл-мштән үнн седжлән өгч көдлдж, чи-крцхәх гигъад коллективнъ дааврт авб. Болв, эднә коллектив тедниг да-аврт авад, эндүрв гидж келдж бол-шго.

Эн хойр ода хоома-залху угагъар көдлдж, коллективин ителиг күцәдж йовцхана.

Цуг эн тоот, коллективин күчн, сургъмдж ик чинртәг медүлджәнә.

А. МУШКИН.